

Guia di dosente

Fundashon Curaçao Clean Up



Estimado dosente,

E material di lès aki a keda desaroyá pa hasi studiantenan na konsiente di sushi di plèstik, resiklahe i hasi eskoho, personal i komo komunidad. E material di lès ta konsistí di e siguiente partinan:

- 3 video
 - Video 1; sushi i resiklahe
 - Video 2; kiko ta resiklahe
 - Video 3; kiko ami mes por hasi
- Blachi di tarea suplemento di e videonan
 - Studiantenan ta enkurashá pa wak e video ku atenshon, pa medio di uso di e blachinan.
- Tarea di grupo
 - Pa medio di diskushon, investigashon i usando pensamentu pa solushon di problema, studiantenan ta reflehá riba nan mes ròl den maneho di sushi di plèstik.
- Tarea pa profundisá
 - Studiantenan ta haña e reto pa bai mas profundo den e tema i traha aktivamente riba esaki.
- Online Kahoot quiz
 - Un quiz final komo klousura.

E material di lès por wòrdu uzá separá; komo dosente bo por skohe pa uzá solamente partinan, dependiendo di e tempu disponibel i nivel. E material ta konektá ku nivel: onderbouw voortgezet onderwijs / basisvorming.

E base di e material di les ta e video edukativo ku a wordu desaroyá pa Curaçao Clean Up. Esaki tres video, hunto ku e material di les ku ta bai ku nan, ta gratis pa deskarga via e website di Curaçao Clean Up i Carmabi.



Curaçao Clean Up



Carmabi Foundation

Den e map pa dosente aki bo por haña lo siguiente:

- Informashon general
- Resúmen di e videonan, blachi di tarea i tarea di grupo
- Material di lès (werkblad, tarea di grupo, tarea pa bai mas profundo)
- Blachi di kontesta
- Guia pa Kahoot

Informashon general

Grupo meta:

Onderbouw vsbo/havo/vwo i bovenbouw vsbo

Kantidat di les:

Tres video i pa kada video blachi di tarea

Material adishonal: (Tarea di grupo, tarea pa bai mas hòndo, quiz online di Kahoot) dependiendo di e manera di realisashon, wak e skema akibou

Materia:

Mens en Natuur

Idioma:

Hulandés i Papiamentu

Método RTTI

Durante e desaroyo di e blachinan, a tuma e modelo RTTI den konsiderashon. E modelo RTTI ta yuda pa strukturá e ophetivonan di lès na kuater nivel:

- Reprodukshon (R): rípitishon di dato i konosementu
- Toepassen 1 (T1): apliká konosementu den situashon konosí
- Toepassen 2 (T2): apliká konosementu den situashon nobo, mas kompliká
- Inzicht (I): pensa krítikamente, pone kosnan huntu i reflehá riba e tema di e lès

Meta di e lèsnan

Despues di e serie di lès, e studiantenan lo por:

- Sa kiko ta sushi tirá riba kaya (zwerfafval) i kiko ta e konsekuensianan
- Rekonosé i nombra tiponan di sushi di plèstik
- Splika e diferencia entre reusá i resiklahe
- Komprondé kon sushi ta yega den naturalesa i laman, i kon por prevení esaki
- Nombra e diferente pasonan di e proseso di resiklahe i pone nan den e órden korekto
- Pensa krítikamente riba sostenibilidadat i nan mes responsabilidadat den maneho di sushi di plèstik

Landsbesluit kerndoelen basisvorming – meta di formashon básiko

A tuma den konsiderashon e metanan klave di formashon, entre otro:

- A.14 Studiantenan por ekspresá nan opinion personal riba tema den materia di Hende i Naturalesa i por tin rèspèt pa opinion di otro hende
- C.35 Studiantenan por mira e relashon entre uzo di diferente forma di energia i medioambiente, bienestar di hende i limitashon di fuentenan di energia
- E.60 Studiantenan por deskribí influensia i aktividatnan humano ku ta kousa kambio den nos medioambiente

Pa pregunta òf komentario tokante e material por tuma kontakto ku:

info@curacaocleanup.com òf educatie@carmabi.org

Hopi plaser (didáktiko) den klas usando e material!

Bista general di e videonan, blachinan di tarea i tareanan di grupo

Tópiko/tarea	Forma	RTTI-niveau	Durashon	Mester di
Video 1: Shushi i Resiklahe	Den klas	Reproductie	10 minüt	Digibord
Werkblad 1 (Suplemento di video 1)	Individual	***	30 minüt	Material pa skibi i blachi di tarea
Video 2: Kika ta Resiklahe	Den klas	Reproductie	14 minüt	Digibord
Werkblad 2 (suplemento di video 2)	Individual	***	30 minüt	Material pa skibi i blachi di tarea
Video 3: Kiko ami mes por hasi?	Den klas	Reproductie	9 minüt	Digibord
Werkblad 3 (suplemento di video 3)	Individual	***	30 minüt	Material pa skibi i blachi di tarea
Ponensianan: Akuerdo òf no di akuerdo*	Den klas/trahando huntu	Inzicht	50 minüt	E ponensianan
Mapa Recycleproces* (Suplemento werkblad/video 2)	Trahando huntu	Toepassen 1	30 minüt	E plachinan di print i e werkblad (havo/vwo)
Expertgroepjes:	Trahando huntu	Inzicht	60 te 90 minüt	Digitale tools, papel i material pa skibi

Afval en de impact op dieren*				
Duurzaam product ontwerpen*	Trahandu huntu	Toepassen 2	60 minüt	Papel, material pa skibi, kos di handenarbeid i digitale tools
Probleemstelling oplossen*	Trahandu huntu	Toepassen 2	60 minüt	Digitale tools, papel i material pa skibi
Stop motion* (Aanvullend op werkblad/video 3)	Trahandu huntu	Inzicht	90 minüt	Telefon i lèptòp
Plastic in de maag van een dier**	Individual	Toepassen 1	20 minüt	Material pa skibi i blachi di tarea
Eigen ontwerp van plastic afval**	Trahandu huntu	Toepassen 2	30 minüt	Material pa skibi i blachi di tarea
De Baai van Boca Sami**	Individual	Toepassen 1	30 minüt	Material pa skibi i blachi di tarea

* Tarea di grupo

** Tarea pa bai mas profundo

*** RTTI-nivel ta integrá den e tarea mes

